

INUIT ATAQATIGIIT INATSISARTUNI



UKA2021/020

30. sept. 2021

Harald Bianco

**Kalaallit Nunaanni aalisarnermi pisarineqartut isumalluutini
atuinermut akitsuutaat pillugit Inatsissartut inatsisaata
allanngortinneqarneranik Inatsissartut inatsisaat.**

(Aningaasaqarnermut Nunamullu Namminermut Naalakkersuisoq)

Nunatsinni aalisarnermi pisarineqartut isumalluutini atuinermi akitsuutit suliarineqartarnerannik eqaallisaaneq pisariillisaanissarlu siunertaralugu allannguinnissaq pineqarpoq.

Inatsit kingullermik 2018-imi nalimmassarlugu allanngortitaavoq. Suliffeqarfiit inuinnaallu ilanngaas-sisussaataasut akitsuummullu akiliisussaataasut, nalunaaruteqarnermut tunngavissaatinneqartut pillugit inatsimmi peerneqarnissaat aalajangerneqarpoq. Allaffissornermi nakkutilliinermilu ingerlatsi-neq pisariaqanngitsutut isigineqarmat allannguiniarnermut tunuliaqutaavoq. Aamma tassani tunuliaqutit ilagivaat, Akileraartarnermi Aqutsisoqarfik periarfissaqareermat, Akileraaruserinermik ingerlatsineq pillugu Inatsissartut inatsisaanni § 59-imi.

Uani siusinnerusukkut aalajangersakkanik nalunaartussaataanerup uterfigineqarnissaa siunnersuutigi-neqarpoq. Akitsuusiinermi akileeqqussutit il. il. takussutissartaannik nassiussinissamik pisin-naatitaaffeqarneq atuutileqqinneqassasoq siunnersuutigineqarluni. Taamaalilluni Akileraartarnermut Aqutsisoqarfiup nakkutilliinera ajornannginnerulissalluni.

Pineqartumi uani aamma uppersaatitut katersorneqartut naatsorsueqqissaarnermi atugassatut ingerlatsinermi oqartussaasunut tunniuinneqarsinnaanerat aamma siunnersuutigineqarpoq.

INUIT ATAQATIGIIT INATSISARTUNI



Allannguutissatut siunnersuutit makkuupput:

Inatsisip qulequtaa imaattoq;

Allannguutit siulliat:

“Kalaallit Nunaanni aalisarnermi pisarineqartut isumalluutininik atuinermut akitsuutaat pillugit Inatsisartut inatsisaata allanngortinneqarneranik Inatsisartut inatsisaat”

Imatut allanngortinniarneqarpoq; *“Aalisarnermi pisarineqartut isumalluutininik atuinermut akitsuutaat pillugu Inatsisartut inatsisaat”*

Allannguutit aappaat:

§13-imi imm. 2-p kingorna immikkoortoq nutaaq ikkunneqassaaq, imaattoq:

“Imm. 3. Akiligassiissutit il. il. nalunaarummut tunngaviusut assilineri, Kalaallillu Nunaannit annissi-nermut atatillugu suliarineqartut, nalunaarummut ilanngunneqassapput”

Imm. 3-4 tamassuma kingorna imm. 4-5-ingussapput.

Allannguutit pingajuat:

§ 15 a-nngortoq:

“Paasissutissanik ingerlatseqqinneq”

“§15 a. Paasissutissat suliffeqarfiit akitsuutininik akiliisussaataasut tunniussaata aqutsinermi oqartussanut allanut naatsorsueqqissaarnermi misissueqqissaarnermilu siunertanut atugassatut tunniunneqarsin-naapput.

Imm. 2. Naalackersuisut akileraarutininik aqutsisoqarfiup paasissutissanik tigusaminik suliarin-nittarneranut, tassunga ilanngullugit paasissutissat suut,

INUIT ATAQATIGIIT INATSIARTUNI



siunertanut sunut qanorlu iliorluni tunniunneqarsinnaasut pillugit malittarisarsiorsinnaapput

Allannguutissat sisamaat:

§ 17, imm. 1 imatut oqaasertalerneqassaaq:

“§ 1, imm. 1, § 11, imm. 2, § 12, imm. 1, § 13, imm. 1-3-mik imaluunniit § 14 naapertorlugu akiliinissamut piffissarititap sivikinnerusup atorneqarnissaanik imaluunniit qularnaveeqqusiinissamik peqqussuteqarnermik piaaralunik mianersuaalliorujussuarluniluunniit unioqqutitsineq Kalaallit Nunaanni pinerluttulerinermut inatsit malillugu pineqaatissiinermik kinguneqarsinnaapput.”

Allannguutissatut siunnersuutit qulaani taakkartukkakka akuerineqarpata, taakku januaarip aallaqqaataani 2022 atuutilissapput.

Siunnersuut Inuit Atatigiinniit akuersaarlugit, ataatsimiititaliamut susassaqartumut ingerlateqqinneqassasoq innersuuppara.